
U vrae rondom die Debietorderstelsel beantwoord:

1. Waarom het Randburg Gemeente die debietorderstel?

- a. Ten eerste wil ons 'n duidelike onderskeid tref tussen die bediening van lidmate in hulle wyke en die invordering van offergawes. Daar het oor die jare 'n tendens ingekruip waar die besoek deur 'n diaken bloot gesien is as die geleentheid vir die geldelike kant van die interaksie, en het die sorg en wedersydse betrokkenheid van die kerk en die lidmaat by mekaar verlore gegaan;
- b. Tweedens het die tradisionele benadering diakens genoop om bedrae geld tydens hulle rondtes te dra, wat in die huidige tydsgewrig nie wenslik is nie. Ons besef dat baie van ons diakens vrouens is wat dikwels in die aande hulle besoeke alleen moet doen. Deur die geld op 'n alternatiewe wyse in te vorder, verwyder ons die ekstra risiko;
- c. Die administrasie van 'n groot aantal kontant offergawes, en die boekhouding en kontrole daarvan, plaas 'n vermybare las op die beamptes van die gemeente.

2. Hoe werk die debietorder stelsel?

- a. U teken 'n magtiging vir Randburg Gemeente om maandeliks u offergawe elektronies van 'n bankrekening wat u verkies te vorder;
- b. U kan die bedrag van u offergawe stel op wat u bereid is om te gee. U bly in volle beheer van wat u betaal;
- c. Aan die einde van elke maand sal Randburg Gemeente al die offergawes deur die bankstelsel invorder – u moet slegs voorsiening daarvoor maak in u bankrekening;
- d. Die proses herhaal dan elke maand, sonder dat u enigiets verder moet doen.

3. Hoe verander ek die bedrag wat ek wil betaal?

- a. U kan eenvoudig 'n nuwe magtiging teken, of die administratiewe beampte skriftelik opdrag gee om die bedrag aan te pas;
- b. Vorms is by die kerk beskikbaar, of kan deur u kerkraadslid aan u besorg word;

- c. Nuwe intrekkers sal 'n verwelkomingspakket ontvang, wat onder andere die magtigingsvorm sal bevat;
- d. U kan die voltooide vorm aan u kerkraadslid, een van ons predikante of die administratiewe beampte gee, of dit aan ons epos of faks. Besonderhede is op ons briefhoof beskikbaar, of kyk op ons webwerf
www.nhk-randburg.co.za;
- e. Ons pas gewoonlik aan die begin van die jaar u bedrag met 'n bepaalde persentasie aan om voorsiening te maak vir veranderde ekonomiese toestande, soos inflasie en ons jaarlikse begroting. Indien u egter 'n ander bedrag (meer of minder) wil gee, sal ons u wense uitvoer.

4. Wat doen ek as ek nie gereeld besoek of skakeling met Randburg Gemeente het nadat ek die debietorder stelsel begin gebruik het nie?

- a. U kan enige tyd met die predikante, u kerkraadslid, of die administratiewe beampte skakel om te vra om besoek te word;
- b. Ons beplan om meer kontak met en tussen lidmate in hulle wyke aan te moedig met wyksverbande bediening.

Daar is tans sowat 10% van ons lidmate wat nie gebruik maak van die debietorder stelsel nie. Ons doelwit is om al die offergawes op hierdie wyse in te samel. U samewerking sal waardeer word om hierdie doelwit te kan bereik.

Dr GJ Sandrock

Voorsitter: Finansiële Komitee

31 Januarie 2010